



Lagumdžija i Tihic nakon sastanka: Najvažniji zadatak ustavna reforma

SDP i SDA o eventualnom koaliranju Timovi će izraditi programske osnove

Lagumdžija odbacio moguće kvalifikacije da je nakon 2S i 2H formiran i 2B blok

Rukovodstva SDP-a BiH i SDA obznani su nakon jučerašnjeg sastanka u Sarajevu da su postigla dogovor o formiranju „tima za izradu programskih osnova za rad budućih vlada na svim nivoima vlasti“.

Predsjednik SDA Sulejman Tihic kazao je da prvi i najvažniji zadatak nove vlasti treba biti ustavna reforma, a ako postoji spremnost za

je odbacio moguće kvalifikacije da je nakon 2S i 2H formiran i 2B blok, aludirajući na nacionalne blokove koje su formirali SNSD i SDS te HDZ BiH i HDZ 1990.

Bošnjačka opcija

- Postigli smo saglasnost da treba napraviti programski savez političkih snaga u cijeloj BiH, koji bi bio

SDP-u i državni i federalni premijer?

Tihic je jučer kazao da je stav SDA da će za državnog premijera podržati kandidata najjače stranke, u ovom slučaju SDP-a, dok je Lagumdžija pojasnio da se isti princip podrazumijeva i na fede-

ralnom nivou.

Na upit novinara da li uz pomoć premijera Mustafe Mujezinovića blokira rad Vlade FBiH, Tihic je odgovorio negativno.

to, bilo bi dobro formirati parlamentarnu većinu koja bi mogla izglasti te reforme

Mogući partneri

- Dogovorili smo se da razgovaramo o uspostavi parlamentarne većine na svim nivoima, od kantonalnih, entitetskih do državnog nivoa. Također, razmijenili smo mišljenja o općoj političkoj situaciji, mogućim partnerima u vlasti te parlamentarnim većinama - rekao je Tihic.

Predsjednik SDP-a Zlatko Lagumdžija zahvalio je Tihicu i kolegama iz SDA na jednom, kako je kazao, prijatnom, iskrenom, konstruktivnom i otvorenom razgovoru. On

svjevran evropski blok... Mi jesmo i bošnjačka opcija, ali smo, prije svega, bh. opcija. Mi ćemo razgovarati i s predsjednicima drugih političkih partija kako da dođemo do vlasti koje bi bile promotor evropskih obaveza BiH - kazao je Lagumdžija i dodao da je potrebno napraviti veliku koaliciju za veliki posao.

Lagumdžija je upozorio da SDP ne želi ponoviti prethodne četiri godine te da se neće dogoditi da jedina promjena bude to da SDP zamijeni Stranku za BiH.

On je izrazio spremnost da s kolegama iz SDA napravi zajednički blok, jer, kako je kazao, „BiH ne može tražiti rješenje u tri etnička saveza“.

F. KARALIĆ

Razgovarali čelnici HSS-NHI-ja i HSP-a

Hrvatska jedinica samo u oba entiteta

U ovom trenutku, ono što je najvažnije, sva priča o hrvatskoj federalnoj jedinici za nas i dalje obuhvata cijelu teritoriju BiH i interes je svih Hrvata, izjavio je predsjednik HSS-NHI-ja Ante Čolak nakon sastanka u Mostaru sa čelnikom HSP-a Zvonkom Jurišićem.

- Želimo jednakopravnost Hrvata na prostoru cijele BiH s drugim narodima. To isto želimo i za

druge narode ako su neravnopravni na pojedinim prostorima - kazao je Jurišić, javila je Onasa.



Mostar: S međustranačkog sastanka

EKSKLUZIVNO Željko Kopanja, vlasnik „Neza Nisam advokat

Bojim se da se iz Sarajeva inicira raspad države • Korupcija je

Razgovarao:
Almedin ŠIŠIĆ

Željko Kopanja, vlasnik „Nezavisnih novina“ i „Glasa Srpske“, koji važi za jednog od najmoćnijih ljudi u RS, u ekskluzivnom intervjuu za „Avaz“ prvi put pojašnjava razloge otvorenog pisma koje je prije tridesetak dana uputio nedavno inauguriranom predsjedniku RS Miloradu Dodiku.

- Više sam puta Dodiku kao prijatelju rekao da se ježim određenih likova koji ga sačekuju pred restoranima, Vladom, na sportskim terenima i da će ga ubiti ti ljudi koji, jednostavno, nemaju ni politički ni nacionalni stav, nego ih samo interesuje kako da iskoriste njegovu poznatu slabost prema ljudima - kaže Kopanja.

Trenuci iskrenosti

□ *Skoro svi mediji u BiH objavili su dijelove Vašeg otvorenog pisma, u kojem Dodika, između ostalog, pozivate u otvorenu borbu protiv korupcije te da „zatvori vrata budžetskim tajkunima i iz svog okruženja udalji novopečene biznismene“. S obzirom na brojne špekulacije, šta ste zapravo htjeli tim pismom, jer ste Dodiku mogli sve reći u četiri oka?*

- Koliko poznajem Dodikov politički put, on se nikada s ljudima nije obračunavao personalno, niti je nekada nekoga od njega glava zaboljela. Upravo su tu njegovu vrlinu pojedinci počeli zloupotrebljavati i oni su se prepoznali u pismu. Dakle, ja sam mu to govorio, ali takvi su ga i dalje nastavili opsjedati.

Jednostavno, u trenucima iskrenosti, kada se čujem s njim telefonom, kaže da je premoren, da mu je dosta svega, ali nema snage da kaže ljudima: „Odmaknite se od mene, pustite me da radim.“ I sasvim je normalno da svaki čovjek može popustiti pred takvim ljudima koji samo žele ostvariti svoje interese. To je bio razlog i zato sam mu uputio otvoreno pismo. Više puta sam o tome razgovarao s njim, ali on smatra da je naš narod takav i da se tu ništa ne može.

□ *Kritičari aktuelne vlasti u RS vjeruju da je ovo pismo plod Vašeg dogovora s Dodikom?*

- Ma, apsolutno o tome nema go-

vora. Jedini koji su znali da ću napisati pismo, ali ne i šta ću napisati, bili su Sanja Pečinić iz Američke ambasade u BiH i Džonatan Mur (Jonathan Moore). Jednostavno, u meni je prevrnuo kada sam vidio kako ga opsjedaju ljudi kojima u cilju nije ni BiH, ni RS, ni Banja Luka, nego samo vlastiti džepovi.

□ *Zbog čega Dodik nije odgovorio na Vaše pismo, barem javno?*

- Desilo se nešto interesantno. Pojedinci koji su se prepoznali u pismu slali su Dodiku i njegovoj porodici poruke u smislu da je „Željko Kopanja đubre i da im je zabio nož u leđa“. A onda su ti isti ljudi poslali meni poruke drugog sadržaja! Dobijao sam

državotvornost, a napredak RS u okviru takve jedinstvene i funkcionalne države, kako ste već govorili, ne bi nikome trebao smetati?

- Ja svoj stav nisam promijenio. Bosna i Hercegovina jeste moja otadžbina, Republika Srpska jeste moj entitet, Banja Luka jeste moj grad, a Milorad Dodik jeste moj prijatelj. Međutim, neke stvari su se promijenile u Sarajevu, koje su izazvale određene reakcije u Banjoj Luci i Mostaru. Mislim da je greška u Sarajevu.

□ *Mislite na određene političke opcije, ili...*

- Na dio političkog, ali i na dio medijskog miljea. A evo zašto. Sarajevo bi moralo prepoznati neke vrijedno-

Susret s Lagumdžijom nakon dugo vremena

□ *Imate li informacije kada bi mogla biti formirana vlast na državnom nivou i kako bi ona mogla izgledati?*

- Nemam, ali volio bih da bude što prije. Ja sam se nakon tri-četiri godine, koliko nisam razgovarao sa Zlatkom Lagumdžijom, s kojim sam dugo godina bio prijatelj i dijelio iste političke vrijednosti, prije mjesec i po prvi puta sreće i popio kafu u Sarajevu, a onda

još nekoliko puta.

Ne volim sebe stavljati u ulogu koja mi ne pripada, ali pokušavam kroz te kontakte s Dodikom i Lagumdžijom, sa Čovićem i Tihicom, dati svoj doprinos da se relaksiraju odnosi i nađu rješenja koja će zadovoljiti sve. Još sam pesimista zbog udaljenih stavova i rana koje su u međuvremenu nastale. Trebat će vremena da se popeglaju ti odnosi.

poruke poput: „Svaka čast, Željko, neka si to napisao, tako mu samo možeš pomoći, i njemu i njegovoj porodici.“ Dakle, govorimo o moralnom sunovratu tih ljudi koji su se prepoznali u pismu.

Moralni sunovrat

□ *Kakav će onda u budućnosti biti Vaš i odnos Vaših medija prema tim ljudima?*

- Apsolutno nepopustljiv. Svim snagama bacit ćemo se na čišćenje prostora BiH i RS kada je u pitanju borba protiv korupcije, jer, jednostavno, to je karcinom koji je zahvatio cijelu BiH.

□ *Je li Vam kao utjecajnom čovjeku u RS i državi, a samim tim i medijima u Vašem vlasništvu, još na prvom mjestu BiH i njena*

sti u Banjoj Luci i Mostaru i onda ih, kao intelektualno i finansijski najmoćniji grad, pa na kraju i glavni grad, prihvatiti. Međutim, iz dijela sarajevskog političkog i medijskog miljea isijava mržnja koja izaziva kontraefekt i zapravo udaljava Banju Luku i Mostar.

Ja to govorim već dvije godine, a onda to ovi miljei plasiraju kao da sam ja Dodikov advokat. Ne! Riječ je o dijagnozi koju sam davno uspostavio. Ne tvrdim da sam u potpunosti u pravu, ali mislim da Sarajevo snosi najveću odgovornost za trenutno pogoršano stanje.

Stvorena je percepcija da su u RS svi četnici, svi ratni zločinci, svi agresori, svi kriminalci, da ovdje ne hodaju normalni ljudi, nego neki sa šubarama i kokardama. Napravite

Konsultacije kod predsjednika RS Milorada Dodika


SNSD će mandatara ponuditi sljedeće sedmice

Predstavnici SDS-a istakli da ostaju opoziciona stranka u ovom entitetu

Predsjednik RS Milorad Dodik jučer je s predstavnicima SNSD-a, SDS-a i Privredne komore RS obavio konsultacije o mandataru nove Vlade RS. Nije saopćeno nijedno ime, osim da će o tome odluku donijeti SNSD početkom sljedeće sedmice.

- Razgovarali smo o nekoliko imena, ali nijedno nije konkretno definisano i o tome će se izjasniti Izvršni odbor SNSD-a. Novi mandatar bit će prihvatljiv za sve potencijalne koalicione partnere. S obzirom na izborni rezultat, SNSD će sigurno imati većinu u novoj Vladi RS - kazao je potpredsjednik SNSD-a Igor Radojičić i dodao da će u Vladi RS biti najmanje polovina članova SNSD-a.

Predstavnici SDS-a istakli su nakon sastanka s Dodikom da oni ostaju opoziciona stranka u ovom entitetu i da kao takvi nisu ni bili ponudeni da daju ime mandataru.



B. S. Banja Luka: S jučerašnjeg sastanka

(Foto: M. Lugić)

visnih novina“ i „Glasa Srpske“

Milorada Dodika

karcinom koji je zahvatio cijelu Bosnu i Hercegovinu



Kopanja: Značajno je što se Dodik pridružio izvinjenjima za sve nevine žrtve

(Foto: M. Lugić)

malo analizu u dijelu sarajevskih medija, pa ćete vidjeti da u Banjoj Luci nema ni lijepe žene, ni lijepog psa, ni lijepe ulice, ni lijepe zgrade. To isijavanje neke vrste mržnje prema Banjoj Luci i Mostaru je glavni generator problema koji imamo.

Možda nisam u pravu, ali Sarajevo je izabralo put pokoravanja Banje Luke i Mostara, što je potpuno iracionalno i nemoguće. U vrijeme Alijanse za promjene stvorena je energija koja je mogla integrisati državu u raznim oblastima, a svi smo se takmičili ko će više uraditi na manifestaciji zajedništva u BiH. Međutim, to je odjednom nestalo, a vremenom se počela stvarati percepcija da su u RS sve luđaci, četnici i ratni zločinci, nekakav polusvijet, što je odguralo Banju Luku i Mostar od Sarajeva.

To vam govorim iz iskustva kontakata s običnim ljudima i poslovnim partnerima. Bojim se da takvo ponašanje Sarajeva destabilizirajuće djeluje po cijelu državu.

□ *Već neko vrijeme upozoravate na*

neophodnost relaksacije političkih odnosa u BiH. Kako do toga doći?

- Prema meni, prvi korak je bio, bez obzira na to što je to prošlo neprimijećeno u štampi u FBiH, inauguralni Dodikov govor. Veoma je značajno da se Dodik, kao personifikacija Srba u BiH, htjeli mi to priznati ili ne, pridružio izvinjenjima za sve nevine žrtve. Dakle, on je naročito naglasio da se izvinjava za zločine koje su počinili pripadnici njegovog naroda. A to je čin ohrabrenja, to je čin političke hrabrosti!

Jasno i glasno rekao je da u RS niko ne može biti zaštićen zato što je Srbin, ili proganjan zato što je Bošnjak ili Hrvat, da će biti predsjednik svih, bez obzira na nacionalnu i vjersku pripadnost. I to se onda prečuti?!

Međutim, kada Dodik, temperamentan kakav jeste, kaže rečenicu više u mikrofon, to je glavna tema. Ja sam juče (srijeda, op. a.) u Sarajevu imao ozbiljne razgovore s ljudima iz međunarodne zajednice o mnogim, pa i tim stvarima, i reći ću vam da su

i oni primijetili da ne popušta ta percepcija da se sve što je dobro u RS mora prećutati. Čemu to vodi, ja ne znam, ali bojim se da vodi raspadu države, a najveći dio krivice za to snosi Sarajevo.

Uzvratanje na uvrede

□ *Ali, može li biti relaksacije sve dok Dodik kontinuirano verbalno nasrće na državu i govori „da će Bosne i Hercegovine biti dok mora“?*

- Iz onog ugla kako ja vidim Dodika, on mnogo toga kaže što i ne misli. Da li zbog izborne kampanje, da li da uzvrat na uvrede, a sjetite se šta je sve iz Sarajeva rečeno za Dodika i koliko su izvrijeđani on i njegova porodica. Od njega su napravili kriminalca, pa ispade da ni Al Kapone (Capone) nije kao Dodik.

Sjetite se kampanja vođenih u nekim medijima, a on je takav da odgovara odmah na prvu, i onda kaže svasta, često ono i što ne misli. Međutim, pogledajte i preslušajte inauguralni govor. To je ozbiljan Dodik.



Komšić: Precizna dijagnoza

Ličnost dana Dr. Ivo Komšić

Demonter zabluda

Za hrvatsku opstojnost bitno je shvatiti koliko je profesor Komšić u pravu kada kaže da je „Herceg-Bosna“ najveća tragedija u povijesti Hrvata

Jučerašnja svečana akademija u Mostaru na kojoj je oživljen duh „Herceg-Bosne“ još jednom je pokazala koliko su živi separatistički i velikodržavni projekti čiji je krajnji cilj razbijanje države BiH.

Pozdravi Dragana Čovića iz „hrvatske federalne jedinice“ i slavljenje HZHB, koji nesumnjivo smrde na nastavak projekta iza kojeg su ostali hiljade žrtava, logori, paljevine i progoni, jesu zloslutni, ali istovremeno okreću pažnju javnosti prema glasu razuma koji godinama pronoši čestiti bosanski Hrvat, dekan Filozofskog fakulteta u Sarajevu dr. Ivo Komšić.

Njegove mudre poruke da je nova „Herceg-Bosna“, kao i ona stara, neostvariva ludost, morale bi na-

pokon probuditi hrvatsko biće usnulo u slatkorječivost nacionalizma. Naprosto je za hrvatsku opstojnost bitno shvatiti koliko je profesor Komšić u pravu kada kaže da je „Herceg-Bosna“ najveća tragedija u povijesti Hrvata i da je pokušaj secesije u „zločinačkom pothvatu“ stvaranja velike Hrvatske nanio najviše štete običnom hrvatskom čovjeku.

Komšić, koji je postao demonter zabluda svog naroda, činjenice o pogubnoj politici Franje Tuđmana prema BiH govorio je još u jeku rata. Tada se u zamišljenoj „Herceg-Bosni“ i zbog manjih stvari gubila glava. Isto to ovaj veliki intelektualac govori i danas.

F. VELE

Iz Centralne izborne komisije

U poslanike neće Hadžić, Milanović i Marković

Centralna izborna komisija (CIK) BiH danas bi na sjednici trebala utvrditi ko je sve od novoizabranih poslanika odbio mandate u parlamentima i skupštinama kako bi ih dodijelila sljedećima s liste. Do sada je, kako nam je potvrdila Maksida Pirić, portparol CIK-a, to učinjeno u tri slučaja.

S obzirom na to da je dosadašnji načelnik sarajevske općine Novi Grad Damir Hadžić odlučio ostati na toj funkciji, on je odbio novoosvojenu poslaničku poziciju u Predstavničkom domu Parlamenta FBiH, pa je njegov mandat dodijeljen sljedećem s liste SDP-a, a to je Belkisa Vehabović.

Zanimljivo je da je mandat osvojen u Skupštini Srednjobosanskog kantona odbio i aktuelni ministar unutrašnjih poslova tog kantona Sedžad Milanović, inače kadar SDA. Njegovo mjesto u Skupštini dodijeljeno je Bajri Markoviću.



Hadžić: Mandat sljedećem s liste

Također, CIK je zvanično utvrdio i da je Nenad Marković iz SDP-a odbio mandat u Skupštini Kantona Sarajevo, pa je on dodijeljen Miri Jurić.

M. K.

Obilježena 19. godišnjica takozvane Herceg-Bosne Čovićev pozdrav iz 'prijestonice hrvatske jedinice'

BiH neodrživa država, poručio lider HDZ-a BiH

Nakon intoniranja himne Hrvatske, jučer je u Domu „Herceg Stjepan Kosača“ u Mostaru održana svečana akademija kojom je obilježena 19. godišnjica od utemeljenja „hrvatske zajednice Herceg-Bosne“ (HZHB).

Predsjednik HDZ-a BiH Dragan Čović, koji je svoj govor na svečanosti započeo „pozdravom iz prijestonice federalne jedinice s hrvatskom većinom“, izjavio je da je BiH neodrživa država u kojoj, kako je rekao, nije osigurana jednakopravnost Hrvata. On je dodao da jedino federalna jedinica s hrvatskom većinom garantira racionalnu BiH.

- Ja u HZHB prepoznajem puno toga što je bilo dobro za BiH i za hrvatski narod. Da je nije bilo, siguran sam da hrvatski narod ne bi imao šansu da se bori za svoju BiH. Hrvati su svjesni pozitivne uloge koju je imala HZHB - kazao je Čović.

A. Du.



Sa svečane akademije: Intonirana himna Hrvatske (Foto: I. Rozić)